

Mladen Ivanković Lijanović

Inicijativa upućena predsjedavajućem Vijeća ministara BiH – “Inicijativa se odnosi na uspostavu plaćanja u poljoprivredi, sistema plaćanja u poljoprivredi na nivou BiH. Dakle, uzimajući u obzir da u proteklih 12 godina traženja, upozoravanja, pa i usvajanja određenih zaključaka na prijedlog od Narodne stranke radom za boljitak da se osigura nesmetan izvoz proizvoda životinjskog porijekla u EU, što očito neće biti riješeno ni do 1.7. i naša poljoprivreda trpi velike štete u kontinuitetu, jer nijedan proizvod životinjskog porijekla ne može se izvesti u EU, a ni provesti kroz EU u treće zemlje. A kako stanje stoji i od 1.7. najvjerovatnije da ćemo izgubiti jedno od najznačajnijih izvoznih tržišta za BiH, Republiku Hrvatsku. Ovu grešku ne bi smjeli ponoviti kada je u pitanju uspostava sistema plaćanja na nivou BiH koji je uslov da bi naša poljoprivredna proizvodnja mogla dobiti neophodan novac iz budžeta i fondova EU. Vladajuće stranke već više od dvije godine ignoriraju ovo veoma važno pitanje i još se uopće nije počeo uspostavljati sistem plaćanja na nivou BiH, a za uspostavu i akreditaciju potrebno je dvije do tri godine, što znači da odmah krenemo sa uspostavom sistema plaćanja sredstva bi mogli tek koristiti 2016. godine. A iako je zajedničkom evropskom poljoprivrednom politikom 2014.-2020. daje se mogućnost zemljama koje nemaju status kandidata da mogu povlačiti sredstva za poljoprivrednu proizvodnju, dakle čime smo već napravili praktično štetu poljoprivredi, jer dvije godine već kasnimo.

I zato, u skladu s članom 8. Poslovnika Predstavničkog doma Parlamentarne skupštine BiH, pokrećem inicijativu da predsjedavajući Vijeća ministara BiH hitno sazove relevantne faktore koji odlučuju o ovom pitanju i donese potrebne odluke za uspostavu sistema plaćanja na nivou BiH, kako bi zaustavili dalje propadanje naše poljoprivrede. Zbog važnosti ove inicijative tražim da nas predsjedavajući Vijeća ministara BiH na svakoj narednoj sjednici Predstavničkog doma Parlamentarne skupštine BiH izvještava o napretku po ovoj inicijativi.”